

PRAVILNIK O *snb* TAKMIČENJIMA U BiH

Dopune FIS ICR pravila za organizaciju takmičenja u snb

1 TAKMIČARSKE DISCIPLINE

1.1 Boarder cross

Takmičenje se sastoji od kvalifikacija 2 vožnje broji se bolja, po jedan, i plasmana u finalane grupe po 4 iz kojih po dva prvoplasirana idu u slijedeći krug do finala, i B finale (od 5 do 8) a plasman dalje od 9 se po vremenima iz kvalifikacija

1.2 BIG AIR

Samo preko 16 godina,osim ako žiri i treneri odluče da učestvuju i mlađi.
Kvalifikacije po 3 skoka, zbrajaju se 2 bolja , prvih 8 u finale i ponovo po 3 skoka , a 2 bolja se pikaju.

1.3 SLOPE STYLE

Kao i big air.

Specifikacija i zahtjevi staza za odgovarajuće discipline u prilogu.

2 STAROSNE KATEGORIJE

<i>naziv</i>	<i>godine</i>
djeca	Do 16 godina
seniori	Iznad 16 godina

Obavezna organizacija takmičenja za obje kategorije

3 PRAVO NASTUPA

Pravo nastupa na BiH takmičenjima imaju takmičari sa važećim BiH kodom, registrirani preko svojih klubova u SS BiH prema pravilniku SS BiH o registraciji takmičara i klubova i nalaze se na zvaničnoj listi br. 1 za predstojeću sezonu koja izlazi 15. decembra.
Prilog A.

4 KALENDAR TAKMIČENJA

Kalendar takmičenja predlaže snowboard komisija a izvršni odbor SS BiH usvaja najkasnije do 15. novembra pred predstojeću sezonu. Izradu kalendara sprovodi takmičarska komisija u saradnji sa klubovima organizatorima. Kalendar takmičenja za treba da sadrži najmanje po 3 takmičenja prema disciplinama u kategorijama.

i mora sadržavati DRŽAVNO PRVENSTVO

Takmičenja bi se trebala održati na svim planinama na kojima trenutno za to postoje uvjeti: Bjelasnica, Cvrsnica, Igman, Jahorina, Kupres i Vlasica.

Odgođena takmičenja mogu se naknadno održati, a mjesto i novi termin održavanja na prijedlog takmičarske komisije određuje Odbor za snowboard discipline Ski saveza BiH.

5 ORGANIZACIJA TAKMIČENJA

Takmičenja u alpskim disciplinama za mlađe kategorije održavaju se u okviru **PRVENSTVA BOSNE I HERCEGOVINE**.

Organizator prvenstva BiH je Skijaški savez Bosne i Hercegovine.

Prvenstvo BiH se odvija prema kalendaru takmičenja koga utvrđuje Skijaški savez BiH, najkasnije do 15.11. tekuće godine.

Skijaški savez BiH povjerava organizaciju takmičenja **Tehničkom organizatoru** – ski klubu, na osnovu kriterija za tehničkog organizatora.

5.1 Kriteriji za Tehničkog organizatora

- Da je ski klub do 15.10. podnio zahtjev ski savezu za organizaciju takmičenja, u kome obavezno treba naznačiti datum održavanja i rezervni datum (konkretan datum određuje ski savez) i naziv takmičenja.
- Da je ski klub najmanje tri godine registrovan i u kontinuitetu plaća kotizaciju ski savezu BiH.
- Da ski klub ima tehničke preduslove za organizaciju takmičenja, odgovarajuću stazu (odobrenu od strane alpske komisije), ski lift i sl.
- Da je dobio pozitivnu ocjenu od takmičarske komisije za organizaciju takmičenja u prethodnoj sezoni, i da nije pod eventualnom suspenzijom izrečenom od strane Ski saveza BiH.
- Da mu je odobren termin za održavanje takmičenja i da je potpisao ugovor o organizovanju takmičenja sa Ski savezom BiH.

5.1.2. Obaveze tehničkog organizatora

A) Tehnički organizator se obavezuje da će obaviti pravovremene pripreme za nesmetano održavanje takmičenja i to :

- Pravovremeno uputiti Raspis takmičenja, najmanje 72 sata prije prvog sastanka, svim registrovanim klubovima u BiH.
- Osigurati prostor prikladan za sjednicu vođa ekipa i žrijebanje
- Obezbjediti adekvatan prostor i opremu u blizini staze u kome će se vršiti obrada rezultata
- Obezbjediti elektronsko mjerenje vremena i obradu podataka
- Obezbjediti vrijeme i stazu za zagrijavanje prije takmičenja
- Obezbjediti ulazak u prostor takmičenja (start, cilj) samo službenim licima i učesnicima takmičenja
- Obezbjediti vertikalni transport na dan takmičenja
- Obezbjediti sendvič i čaj za učesnike takmičenja
- Obezbjediti medalje i nagrade za tri prvoplasirana, i diplome za 10 prvoplasiranih takmičara u cicibanima i 5 za dječije kategorije osim za **DRŽAVNO PRVENSTVO**.
- Obezbjediti adekvatan prostor i uslove za ceremoniju dodjele nagrada

B) Tehnički organizator određuje sljedeća službena lica :

- Šefa trke
- Sekretara trke
- Šefa staze
- Sudije na startu i cilju
- Šefa sudija na vratima
- Maksimalno 80 % sudija na vratima
- Dovoljan broj predvozača (1 – 3) , koji ne smiju biti takmičari tog dana
- Šefa medicinskog osoblja i službe spašavanja
- Ekipu za održavanje staze (minimum 8)
- Redarsku službu (minimum 5)
- Sekretarijat takmičenja

C) Tehnički organizator obezbjeđuje sljedeću tehničku opremu :

- dovoljan broj kolaca – kapija (Ø 27)
- zastavice
- startne brojeve
- zaštitnu ogradu
- markere za sudije, ekipu za održavanje staze i redarsku službu
- startni i ciljni šator
- minimalno 6 radiostanica
- 3 ključa za kolce
- 1 bušilice 24 V sa borerima
- 2 bušilice 12 V sa borerima
- ručni semafor
- postolje za proglašenje pobjednika
- dovoljno alata za održavanje staze

5.2. Žiri takmičenja

Takmičenje vodi žiri takmičenja u sastavu:

a. Tehnički delegat (TD) SS BiH - imenuje SS BiH – i predstavnici klubova učesnika ali da ukupan broj žirija bude neparan

b. Šef takmičenja – imenuje klub organizator

c. Glavni sudija

TD rukovodi radom žirija i ima pravo donošenja konačne odluke.

5.3. Raspis i prijava takmičara

5.3.1. Tehnički organizator dužan je najkasnije 3 dana prije takmičenja poslati raspis takmičarskoj komisiji, tehničkom delegatu i svim klubovima. U slučaju odgođenih i premještenih takmičenja koja su odgođena unutar tri dana od dana održavanja takmičenja, Tehnički organizator je dužan poslati raspis u roku od 24 sata nakon obavijesti o premještanju takmičenja od strane Ski saveza BiH.

5.3.2. Raspis mora sadržavati sve potrebne podatke za bolje snalaženje učesnika, kao

što su datum takmičenja, mjesto održavanja takmičenja, takmičarska disciplina, način prijave, vrijeme i mjesto održavanja prve sjednice vođa ekipa i žrijebanja, kaucije, mogućnost prevoza i smještaja. Obrazac Raspis obavezno se primjenjuje i sadrži minimum potrebnih podataka koji moraju biti sadržani u raspisu takmičenja.

- 5.3.3. Klubovi moraju prijaviti svoje takmičare najkasnije 24 sata prije prvog sastanka vođa ekipa i žrijebanja. Prijava se mora dostaviti na zvaničnom formularu za prijavu SS BiH i mora sadržavati sve tražene podatke. Prilog A.
- 5.3.4. Takmičari koje je prijavio pojedini klub bit će žrijebani samo ako je prijava pristigla u roku koji je predvidio tehnički organizator i u pismenoj formi. (iznimno se uz odobrenje žirija takmičenja može uvažiti prijava telefonom)
- 5.3.5. Eventualne zamjene prijavljenih takmičara moguće je izvršiti samo do zadnjeg roka za prijave prema raspisu za takmičenje.
- 5.3.6. Klubovi prilikom prijave za takmičenje obavezno trebaju koristiti Obrazac za prijavu koji sadrži minimum potrebnih podataka.
- 5.3.7. Startarina za svako takmičenje iznosi 10 KM za takmičare koji imaju BH KOD, a za takmičare koji posjeduju KOD druge države startarina iznosi 10 €.
- 5.3.8. Klub je dužan platiti startarinu za sve takmičare na startnoj listi, a ukoliko ne plati cijeli iznos, niko iz kluba nema pravo nastupa.

5.4 Sijednice vođa ekipa

- 5.4.1 Vrijeme i mjesto prve sjednice vođa ekipa mora biti navedeno u raspisu i programu takmičenja. Poziv za sve ostale sjednice istog takmičenja objavljuju se vođama ekipa na prvoj sjednici.
- 5.4.2. Na prvoj sjednici vođa ekipa bira se žiri takmičenja u skladu sa tačkom 5.2 ovog pravilnika, vrši žrijebanje takmičara i izrađuje startna lista za prvu vožnju.
- 5.4.3. Na prvoj sjednici vođa ekipa se određuju i postavljaju staze. Mora se voditi računa da postavljač staze mora imati odgovarajuće znanje i iskustvo o postavljanju staze. Za takmičenja u dvije vožnje drugu vožnju postavlja drugi postavljač. Jednu od staza postavlja postavljač (trener) Tehničkog organizatora ukoliko se na sjednici vođa ekipa nije drugačije dogovoreno.
- 5.4.4. Vođe ekipa i treneri moraju poštovati ova pravila. Bilten Ski saveza BiH, FIS Međunarodna pravila za skijaška takmičenja i odluke žirijate se korektno i sportski ponašati.
- 5.4.5. Kod donošenja odluka na sjednicama vođa ekipa nije dozvoljena zamjena predstavnika jednog kluba predstavnikom drugog kluba.
- 5.4.6. U slučaju ne prisustvovanja prvoj sjednici vođa ekipa, vođe ili treneri ekipa nemaju pravo primjedbi na startnu listu, postavljaju i sl.
- 5.4.7. Na prvoj sjednici vođa ekipa predstavnici klubova moraju dobiti informacije o svim pojedinostima takmičenja (podizanje brojeva, meteo uslovi, vrijeme ogleđa i starta, itd.).

5.5 Žrijebanje i redoslijed starta takmičara

SS BiH dostavlja revidiranu rang listu takmičara najkasnije 48 sati prije prvog sastanka vođa ekipa.

Redoslijed starta utvrđuje se žrijebanjem na sastancima vođa ekipa. Žrijebanje se može odvijati na tablama za žrijebanje koje žiri takmičenja, treneri i vođe ekipa mogu prekontrolisati prije početka žrijebanja, ili putem računara.

U mlađim kategorijama žrijeba se 10 prvoplasiranih iz kategorije prema aktuelnoj rang listi SS BiH.

Na svim takmičenjima prvo startaju takmičarke pa onda takmičari.

Redoslijed starta takmičara u drugoj vožnji određuje se na osnovu rezultata iz prve vožnje tako što 5 prvoplasiranih starta obrnutim redoslijedom.

5.6. Mjerenje vremena

Mjerenje vremena takmičara se mora mjeriti najmanje jednim FIS homologiranim elektronskim mjerenjem i ručnim mjerenjem (uparenim štopericama) prema apsolutnom (dnevnom) vremenu.

5.7. Obrada rezultata

Startne liste i rezultati takmičenja moraju se kompjuterski obrađivati. Nezvanični rezultati moraju biti saopšteni vođama i trenerima ekipa najkasnije 2 sata po prolasku zadnjeg takmičara kroz cilj.

Zvanični rezultati se šalju SS BiH najkasnije 48 sati u štampanoj i elektronskoj formi.

Zvanični rezultati moraju sadržavati:

- a. Spisak svih prijavljenih takmičara
- b. Startne liste svih vožnji,
- c. Rezultate po kategorijama sa vremenima svih pojedinačnim vožnji.
- d. Spiskove diskvalifikovanih takmičara i takmičara koji nisu startali,
- e. Ostale detalje prema formama u prilogu.

Sve liste moraju sadržavati BiH kodove svih takmičara.

5.8. Bodovanje takmičara

Bodovanje takmičara vrši SS BiH nakon prijema zvaničnih rezultata prema pravilima za bodovanje u prilogu B.

5.9. Protesti

Protest ulaže vođa ili trener ekipe žiriju u ciljnom prostoru u roku od 15 minuta od proglašenja nezvaničnih rezultata i diskvalifikacije takmičara. Protest se ulaže uz uplatu od 20 KM u pisanoj formi. U slučaju uvažavanja protesta novac se vraća a žiri je dužan da isrvai propust prije izlaska zvaničnih rezultata.

U slučaju negativnog odgovora na protest novac zadržava klub organizator takmičenja.

6. NAGRADE I PRIZNANJA

- 6.1. Tehnički organizator je dužan osigurati nagrade i priznanja za pojedinačna takmičenja Bosne i Hercegovine, osim za Državno prvenstvo Bosne i Hercegovine.
- 6.2. Tri najbolje plasirana takmičara u svakoj kategoriji pojedinačnog takmičenja Bosne i Hercegovine dobivaju medalje, a po odluci Tehničkog organizatora mogu dobiti i druge nagrade (pehare, praktične nagrade).
- 6.3. Deset najbolje plasiranih takmičara u kategoriji cicibana i 5 najbolje plasiranih u kategoriji djece dobivaju diplome.
- 6.4. Na Državnom prvenstvu Bosne i Hercegovine tri prvoplasirana dobivaju pehare.
- 6.5. Na proglašenju ukupnog poretka tri prvoplasirana dobivaju pehare.
- 6.6. Ski savez BiH je dužan osigurati pehare za Prvenstvo Bosne i Hercegovine u pojedinačnoj konkurenciji i za proglašenje ukupnog poretka.

7. PROGLAŠENJE REZULTATA

- 7.1. Tehnički organizator je dužan u sekretarijatu za obradu podataka preuzeti, (odgovorna osoba za mjerenje i obradu podataka) osigurati službene rezultate (ovjerene od strane žirija) najkasnije 15 minuta po isteku vremena za žalbe.
- 7.2. Tehnički organizator je dužan najkasnije 30 minuta po prijemu službenih rezultata obaviti proglašenje pobjednika uz dostojan ceremonijal.
- 7.3. Tehnički organizator je dužan osigurati uređen prostor na kojem je obavezno održati proglašenje i postolje za proglašenja pobjednika.
- 7.4. Takmičarima koji neopravdano izostanu sa svečanosti proglašenja, neće naknadno biti uručena nagrada. Oni gube pravo na nagradu. U iznimnim slučajevima, takmičara može zastupati drugi član ekipe, s tim da on ne smije zauzeti njegovo mjesto na pobjedničkom postolju.

8. PROTESTI, DISKVALIFIKACIJE I ŽALBE

- 8.1. Protesti se ulažu u skladu sa FIS Međunarodnim pravilima (ICR) i predaju se Tehničkom delegatu. Uz protest se prilaže 20 KM, koji se iznos vraća ukoliko je protest usvojen. Ukoliko se protest odbija sredstva ostaju Tehničkom organizatoru takmičenja. Sam protest kao i zapisnik sa sastanka moraju biti provedene u skladu sa procedurom na pripadajućim obrascima.
- 8.2. Žiri je jedini mjerodavan tumačiti pravila propozicija i rješavati proteste na Takmičenjima. Tehnički delegat je dužan uz izvještaj predati Takmičarskoj komisiji i pismene proteste sa obrazloženjem rješenja protesta.

- 8.3. Žalbe na odluku žirija i regularnost takmičenja Bosne i Hercegovine podnose se Takmičarskoj komisiji Ski saveza BiH. Žalbe na odluke Takmičarske komisije upućuju se Odboru za alpske discipline Ski saveza BiH. Žalbe na odluke Odbora za alpske discipline upućuju se Izvršnom odboru Ski saveza BiH. Žalbe na odluke Izvršnog odbora Ski saveza BiH podnose se Sudu časti, a žalbe na odluke Suda časti podnose se Arbitraži Olimpijskog Komiteta Bosne i Hercegovine čija odluka je konačna.

9. TROŠKOVI ORGANIZACIJE

- 9.1. Uslovi organizacije Takmičenja kojih se mora pridržavati Tehnički organizator propisani su Ugovorom, koji se potpisuje sa Ski savezom BiH.
- 9.2. Troškove organizacije takmičenja snosi Tehnički organizator.
- 9.3. Prikupljene startnine pripadaju Tehničkom organizatoru takmičenja.
- 9.4. Ski savez BiH se obavezuje da će Tehničkom organizatoru Državnog prvenstva BiH obezbijediti pehare, medalje i diplome. Ukoliko Tehnički organizator ne ispoštuje sva Pravila i sve obaveze iz Ugovora, Ski savez BiH može uskratiti Tehničkom organizatoru pravo na organizaciju takmičenja u narednoj sezoni.
- 9.5. zvršenje obaveza Tehničkog organizatora kontrolišu Tehnički delegat i Takmičarska komisija. Konačnu ocjenu organizacije takmičenja donosi Odbor za alpske discipline na prijedlog takmičarske komisije.
- 9.6. Troškove dnevnica, smještaja i putne troškove za članove takmičenja i osobe odgovorne za mjerenje vremena i obradu podataka snosi Tehnički organizator.
- 9.7. Troškove tehničkog delegata snosi Tehnički organizator.
- 9.7.1. Tehnički organizator je obavezan nadoknaditi Tehničkom delegatu slijedeće troškove:
- u slučaju utrke više od 50 km izvan mjesta stanovanja Tehničkog delegata: troškove putovanja, smještaj i prehrane, i dnevnicu od 50 KM
 - u slučaju utrke unutar 50 km od mjesta stanovanja Tehničkog delegata: troškove putovanja, ručak i dnevnicu od 50 KM.

10. ROKOVI

- 10.1. Na sastanku Odbora za SNB discipline koji se treba održati u prvoj polovici oktobra/listopada tekuće godine prihvaća se na prijedlog takmičarske komisije Kalendar Takmičenja i predlažu promjene ovih Pravila.
- 10.2. Rok za prijavu takmičenja od strane klubova Ski savezu BiH za Prvenstvo Bosne i Hercegovine je 15.10. tekuće godine.
- 10.3. Odbor ski sudija mora na osnovu prijedloga klubova dostaviti Ski savezu BiH do 30.11. tekuće godine popis sudija za sezonu.

- 10.4. Komisija za delegate mora dostaviti Ski savezu BiH do 30.11. tekuće godine imena izabranih delegata, delegiranih za svaku pojedinu utrku na Takmičenjima.
- 10.5. Klubovi moraju Odboru za SNB discipline dostaviti do 30.11. tekuće godine prijavu takmičara po kategorijama za predstojeću sezonu.
- 10.6. Klubovi su obavezni do početka Prvenstva BiH dostaviti dokaz Ski savezu BiH ouplaćenju kotizaciji za klub i pojedinačno svakog takmičara, kako bi stekli pravo nastupa.
- 10.7. Komisija za SNB objekte i homologaciju staza do 30.11. tekuće godine treba dostaviti popis homologiranih staza po kategorijama sa osnovnim karakteristikama (broj homologacije, ime staze, kategorija, disciplina, visina starta, visina cilja, visinska razlika, dužina staze, dodatni uvjeti)
- 10.8. Na osnovu gore navedenih podloga do 10 decembra / prosinca tekuće sezone izdaje se Bilten Ski saveza BiH za tekuću sezonu koji treba biti dostavljen svim članovima Odbora za SNB discipline i ski klubovima.

11. DOPUNSKE ODREDBE

Za sve slučajeve i pitanja koja nisu objašnjena ovim propozicijama važe ICR Pravila FIS-e za takmičenja u alpskom skijanju.

PRILOG A

PRAVO NASTUPA I PRIJAVA TAKMIČARA

- 1) Pravo nastupa na takmičenjima u BiH imaju svi članovi skijaških klubova koji su uredno registrirani kod Ski saveza BiH, odnosno koji imaju licencu i posjeduju kodni broj (KOD) . Nastup takmičara bez KOD-a nije moguć
- 2) U sezoni 2007/2008 pravo nastupa imaju takmičari sljedećeg uzrasta :
 - djeca do 16
 - seniori iznad 16
- 3) Na takmičenjima pravo nastupa mogu imati i članovi drugih klubova izvan Bosne i Hercegovine. S tim što moraju biti prijavljeni kod svojih skijaških saveza i imati njihov kodni broj. Tehnički organizator im je dužan obezbjediti nagrade za plasman, kao i domaćim takmičarima, ali se njihov postignuti rezultat ne boduje, te se u tom slučaju izrađuju dvije liste od kojih se jedna koristi za proglašenje rezultata na takmičenju, a druga za bodovanje o okviru Prvenstva Bosne i Hercegovine.
- 4) Takmičar ima pravo nastupa samo u svojoj kategoriji.(osim u slučaju dozvole žirija)
- 5) Svaki klub je kod prve prijave takmičara dužan dostaviti :
 - Ispunjen obrazac zajedničke (klupske) prijave,
 - Ispunjen obrazac pojedinačne prijave za svakog takmičara sa svim traženim podacima,
 - Ispunjenu i potpisanu deklaraciju takmičara za takmičarsku licencu Ski saveza Bosne i Hercegovine,
 - Potvrdu o obavljenom ljekarskom pregledu,
 - Sliku takmičara, za svakog posebno
- 6) Klub je kod svake sljedeće prijave takmičara dužan dostaviti :
 - Ispunjen obrazac zajedničke (klupske) prijave,
 - Potvrdu o obavljenom ljekarskom pregledu ,
 - Ispunjen obrazac pojedinačne prijave ukoliko je došlo do određene promjene,
 - Prelaskom takmičara u stariju kategoriju dostaviti novu sliku takmičara.
 - Klub može prijaviti takmičara tokom cijele sezone,uz poštovanje odluka SS BiH .
- 7) Klub je dužan prilikom prijave za prvo takmičenje u sezoni dostaviti dokaz o uplaćenju kotizaciji za klub i za svakog takmičara pojedinačno, u protivnom nemaju pravo nastupa na takmičenju sve do izmirenja obaveze prema Ski savezu BiH.
- 8) Ski savez BiH je dužan provjeriti kompletnost pristigle dokumentacije, te dodjeliti kodni broj (KOD) svakom takmičaru.
- 9) Ski savez BiH je dužan osigurati svim registriranim takmičarima odgovarajuću iskaznicu s kojom se potvrđuje registracija takmičara.
- 10) Za naknadno prijavljene takmičare Ski savez BiH je dužan takmičaru dodijeliti licencu i kodni broj najduže u roku od 2 dana (48) sati od trenutka prijema prijave i kompletne dokumentacije u skladu sa ovim pravilnikom.

PRILOG B

PRAVILA BODOVANJA ZA BiH BODOVE

- 1) Takmičenja u prvenstvu BiH bi se bodovala po plasmanu pojedinaca, a na kraju prvenstva se proglašavaju najbolje plasirani pojedinci, odnosno proglašavaju se plasmani klubova.
- 2) Takmičari mogu sakupljati bodove samo na takmičenjima koja su registrovana u kalendaru Ski saveza BiH.
- 3) Bodovanje za pojedinačni plasman vrši se prema **15** prvoplasiranih takmičara i **10** prvoplasiranih takmičarki i to po sljedećem :

DJEČACI :

Prvi - 50 bodova	Šesti - 10	Jedanaesti - 5
Drugi - 35	Sedmi - 9	Dvanaesti - 4
Treći - 25	Osmi - 8	Trinaesti - 3
Četvrti - 15	Deveti - 7	Četnaesti - 2
Peti - 12	Deseti - 6	Petnaesti - 1

DJEVOJČICE :

Prva - 50	Šesta - 8
Druga - 35	Sedma - 6
Treća - 25	Osma - 4
Četvrta - 15	Deveta - 2
Peta - 10	Deseta - 1

- 4) U slučaju odsustva dječije reprezentacije zbog nastupa izvan zemlje onda se boduje kod dječaka **10**, a kod djevojčica **5** prvoplasiranih, tako da pobjednik dobija 25 bodova, a ostali kao po prethodnoj tabeli (2 – 15, 3 – 12, 4 – 10,..... 10 – 4). Reprezentativci dobivaju po **15** bodova.
- 5) Ukupni pojedinačni plasman takmičara bi se dobio tako što se u konačan zbir bodova ne ubrajaju **dva najlošija rezultata** sezone.
- 6) Za ukupan klupski plasman zbrajaju se plasmani odnosno **bodovi svih takmičara** pojedinog kluba sa svih takmičenja.
- 7) Dječije FIS trke u BiH se boduju kao i trke iz prvenstva BiH.
- 8) Bodovne liste se revidiraju nakon svakog održanog takmičenja.
- 9) Klasifikacija za izvlačenje startnih brojeva u sljedećoj sezoni ostaju ista za prva dva takmičenja, a nakon toga se koriste samo bodovi osvojeni u tekućoj sezoni.
- 10) Lista se objavljuje na internetu ili dostavljaju klubovima faxom, najkasnije 4 dana nakon svakog takmičenja.
- 11) U slučaju povrede takmičara, isti se **neće bodovati** na propuštenim trkama, ali će mu se do kraja sezone obezbjediti žrijebanje iz grupe u kojoj se nalazio do momenta povrede.

IZBOR REPREZENTACIJE

U Slučaju da se ne održe BiH takmičenja relevantni su FIS bodovi.

PRILOG C

SPECIFIKACIJA DOZVOLJENE OPREME

OBAVEZNA UPOTREBA KACIGE I OSTALE ZAŠTITNE OPREME (ŠTITNIK ZA KIČMU)

PRILOG D

SPECIFIKACIJA STAZA

Po važećim fis pravilima

PRILOG E

FINANSIRANJE SISTEMA TAKMIČENJA

PRILOG F

TAKMIČARSKA KOMISIJA

Takmičarska komisija predstavlja novinu u realizaciji predstojećeg Prvenstva Bosne i Hercegovine za mlađe kategorije. Bila bi sastavljena od iskusnih predstavnika (trenera) ski klubova i trebala bi da broji 7 članova. Za svoj rad bi bila odgovorna Odboru za SNB discipline, a predsjednik takmičarske komisije bi bio i član Odbora za SNB discipline Ski saveza BiH. Takmičarska komisija bi u potpunosti bila zadužena za organizaciju, praćenje i realizaciju Prvenstva BiH. Na ovaj način bi se uveliko olakšao rad Odbora za SNB discipline i uveliko poboljšala organizacija samog Prvenstva.

Takmičarska komisija bi bila nadležna za sljedeća pitanja :

- Predlaže pravilnik takmičenja za mlađe kategorije
- Razrađuje i predlaže kalendar takmičenja
- Prati realizaciju takmičenja i analizira svako pojedinačno
- Predlaže ocjenu Tehničkom organizatoru za organizaciju takmičenja
- Imenuje TD za svako takmičenje
- Prati bodovnu listu prvenstva
- Donisi disciplinski pravilnik i sankcioniše nespportsko ponašanje
- Predlaže sastav dječije reprezentacije i trenere reprezentacije
- Na kraju sezone pravi analizu prvenstva i predlaže poboljšanja
- Izvršava druge naloge SNB komisije u cilju poboljšanja ski sporta u BiH